



**AMAGARA GEITU GEMEREZEIBWEHO ENTE Z'ENYANKORE
KANDI NIZO ZITUTUNGIRE
TUSHEMEREIRE KWIRINDA KUREEBA NGU
TIZACHWEKYERERA**

**OKUHANDIIKA AHA NTE Z'ENZAARWA NITUKOOZESA EBITEEKATEEKO
BY'ABARIISA KANDI BAKAMA BAAZO (LIFE APPROACH)**



**Ebiteekateeko by'abariisa ba Nyabushozi, Kiruhura District, Uganda, bikahandiikwa Elizabeth Katushabe ow'ekigombe kya Pastoral and Environmental Network in the Horn of Africa (PENHA), akwataniise n'ebigombe ebi; League for Pastoral Peoples and Endogenous Livestock Development (LPP) hamwe na Local Livestock for Empowerment of Rural people (LIFE) Network Africa.
Okwakabiri - Okwakana 2009**

OKUSIIMA

Nitusiima ak'omutaano HIVOS-Oxfam Novib Biodiversity Fund, Misereor, Swiss Agency for Development Cooperation (SDC) na Swedish International Biodiversity Programme (Swedbio) aha kitebe kya Swedish Biodiversity (CBM) aha bwokutuha empaha ezitwakozeise kutebekanisa enkiiko, kubugana abantu batari bamwe n'okuhandiika ekihandiiko eki.

Ebiteekateeko ebiri omukihandiiko eki tiby'ebigombe ebyatuheire sente z'okukihandiika.

Abariisa ba Nyabushozi, Kiruhura District, Uganda

EBIRI OMUKIHANDIIKO

Okutandika.....	1
Omuringo gukyahandiikirwemu.....	1
1. Ebikweitse aha nte z'enyankore n'ensi eyizahangirwemu.....	2
Okw'ente z'enyankore ishisha	
.....	2
Ente z'enyakore nishangwa omumyanya egi.....	2
Ekicweka ekirikwororagye ente z'enyankore.....	3
2. Emichwe n'eby'obuhangwa	5
Oburugo bw'ente y'enyankore n'amakuru g'eiziina Nkore“Ankole”.....	5
Abantu ababandize kuriisa ente z'enyankore.....	5
3. Obukuru n'emigasho ebiri omukuriisa.....	5
Ebirikutungwa omunte z'enyankore n'emigasho yaabyo.....	5
Emigasho y'obuhangwa.....	5
Eby'okurya.....	6
Emigasho y'entasya.....	6
Okushomesa.....	6
Emigasho y'emibazi.....	6
Emigasho y'okuhinga.....	6
Obuzaare bw'abantu n'ente omubuhangwa bwa Nkore.....	7
4. Okworora n'okuzaaza	7
Endiisa n'endeberera y'ente z'enyankore	7
Ente z'enyankore nizezenga kurebererwagye kwonka tizirikwetenga	
endeberera ey'omutaano.....	7
Obunaku bw'ente zemeramu.....	7
Emyaka y'enyana eyemeraho.....	7
Obunaku obw'ente eheza kugarukamu kwema bwanyima y'okuzaara.....	8
Omuhendo gw'enyana ente z'enyankore zizaara buri izaara.....	8
Amazaara g'ente y'enyankore erikuzaara omumagara gaayo.....	8
Amazaara agarikugumaho.....	8
Ebiro by'ente y'enyankore erikuhangaara.....	8
Ebigyendererwa by'okucooka ente z'enyankore (okutandika n'ekikuru	
munonga).....	8
Ebirungi eby'omutaano aha nte z'enyankore.....	9
Ebirungi n'ebizibu by'ezindi nte.....	11
Enshonga ahabw'enki nitukozesa enimi kwemesa ente zeitu.....	12
Ekigeyendererwa ky'okubikira.....	12
Ahutwiha ente z'okutunga n'enimi z'okubikira.....	12
Enimi eziturikwenda zoonka nizo zirikwemya.....	12
5. Obwingi bw'ente	12
Obwingi bw'ente z'enyankore omunte zoonka eziri omuri Nyabushozi.....	12
Ente z'enyankore ibaganikire omumyaka ikumi ehweire.....	13

Ente z’enyankore nitureeba ziriyo niwaho kwonka kandi nitubaasa kwirinda.....	13
Nizija kuchwekyerera ahabw’enshonga ezi:.....	13
Nizija kubaganika kwonka zigumeho ahabw’enshonga ezi;.....	13
Ebitabo n’ebindi bihandiiko ebirikugamba aha nte z’enyankore.....	13
Ebindi ebikweitse ahakihandiiko.....	17
Ekyo’kubanza: Amaziina g’abariisa ababeire bari omurukiiko orw’okuhandiika aha nte z’enyankore aha gomborora ya sanga, Nyabushozi Kiruhura Orukiiko rw’okubaanza, 4/3/2009	17
Orukiiko orwakabiri, 5/3/2009.....	19
Ekyakabiri: Amaziina g’abaana bishomero rya L. Mbuuro S.S.S ababeire bari omurukiiko orw’okuhandiika aha nte z’enyankore ahari kanyaryeru 6/3/2009.. ..	20
Ekyakashatu: Amaziina g’abaandi baantu abaagambirwe nabo ahabikwatireine n’ekihandiiko eky’okurinda ente z’enyankore	23
Ekyakana: Ebibuuzo eby’abariisa bagyendeireho omu nkiiko ezabeireho ez’okugamba n’okuhandiika aha nte z’enyankore (English /Runyankore).....	24

OKUTANDIKA

Ahagati y'okwakabiri n'okwakana 2009, abariisa ba Nyabushozi, Kiruhura district bakakwatanisa n'abakozi ba PENHA Uganda, LPP na LIFE Network kuhandiika aha nte z'enyankore. Ekiteekateeko kikatandika bwanyima y'owayebembeire okuhandiika ekihandiiko eki, kuza omumushomo ogwabeire gukwatireine *"N'okureberera ente z'enzarwa omuri Africa; Ebiine kutebwa omunkora, Ebiine kutandikirwaho, Obugabe bw'abariisa n'ebiine kukorwa omubiro by'omumeisho"*. Omushomo ogu gukabaho omukwakataano 2007 omuri Addis Ababa, Ethiopia. Omushomo gukoreka ngu emiringo mingi ey'ente n'egyenda n'echwekyerera ahabwokwizaaza n'enjugu . Eki kikatuhabura ngu ente zeitu ez'enyankore nazo zigyzire nikyendera kandi eki nikibaasa kuziretera okuchwekyerera.

OMURINGO GUKYAHANDIIRWEMU

Tukakozesa omuringo gwa "LIFE" ogwokuhandiika aha nte z'enzaarwa. Omuringo ogu niguhwera bakama b'ente kuheereza ebiteekateeko byaabo aha nte zaabo z'enzarwa.

Entebekanisa ekakorwa, abantu ba Nyabushozi beija bagamba ahabikwatireine n'okubarikureeba ente zaabo z'enyankore omubiro by'omumeisho n'okubakubaasa kwirinda kureeba ngu tizachwekyerera

Eki kikakorwa kiti:

- (1) Enkiiko ibiri zikurateine, ezabariisa aha gomborora ya Sanga.
- (2) Orukiiko rw'abaana n'abashomesa ba Lake Mbuuro Senior Secondary School.
- (3) Okutayayira amaka g'abariisa n'amarisizo ga gavumenti.
- (4) Okwebuza ahabashomesa b'amatendekyero ag'aheiguru n'ekitongore kya gavumenti ekirikurinda ente z'enzarwa kureeba ngu tizachwekyerera (NAGRC).
- (5) Okushoma ebihandiiko ebyahandiikirwe kare aha nte z'enyankore.

Abantu abaheire ebiteekateeko aha nte z'enyankore bakaba barimu abariisa, abashaho b'enyameishwa, abantu abarikurondereza aha nte z'enyankore, abarikwirinda ngu itachwekyerera n'abandi boona abarikukwatwaho omumiringo etari emwe. Abariisa nka 70 n'abandi bantu nibo babeire bari omunkiiko za Sanga, abaana 91 n'abashomesa 5 nibo babeire bari omurukiiko aheishomero n'abandi bantu 22 abashangirwe omumaka gaabo ninga ahamirimo yaabo. Ahabantu 184 abaheireze ebiteekateeko byaabo ahakihandiiko eki, 68 bakaba bari abakazi. Amaziina g'abantu boona gahandiikire aha muheru gwekihandiiko eki.

Ebiri omukihandiiko eki nibyo biteekateeko by'abariisa ahabikwatireine n'ente zaabo z'enyankore kurigirira okubyahandikirwe omunkiiko ezabeire aha

gomborora ya Sanga, Nyabushozi. Ebindi eby'ongeirwemu n'ebiteekateeko by'abandi bantu omunkiiko zitari zimwe.

1. EBIKWEITSE AHA NTE Z'ENYANKORE N'ENSI EYIZAHANGIRWEMU


Okw'ente z'enyankore ishisha

Ente zeitu z'enyankore ziine amahembe mareingwa kwonka hariho n'ezenkungu. Ziine ameisho makye, enyindo nkye n'amatu makye (kwonka obukye bwebi byoona niburigirira ekiwaburengaho). Enyankore niziba ziri ndeingwa, ziine amaguru n'omukundi bireingwa n'eibango rikye. Niikira kuba ziri ez'ebihogo kwonka ezimwe ziine esiina, egaaju, amayenje, ebirembe n'agandi mabara. Ziine n'obwoya bukye kandi nijugagye. Ente z'enyankore nizo zabandize omunsi kandi zigumire n'ahabwekyo nizemera ebizibu bingi kandi ziryana n'obunyatsi bukye.

Ente z'enyankore nishangwa omumyanya egi

Ente z'enyankore nishangwa omuri Nkore/ Nyabushozi n'ebichweka ebighereire nka Buganda, Bunyoro, Kasese, Luwero, Nakaseke. Nakasongora, Masindi kwonka hati nishangwa na Karamoja hamwe n'omumahanga agahikire Uganda nka Karagwe (Tanzania) na Rwanda. Abashomire nibatugira ngu hati nishangwa omunsi yona na buraaya nk'omumwanya gw'okurindiramu enyameishwa ogwa Denver omuri Colorado na Texas omuri America hamwe na Bungyereza. Okwo omuri Buraaya nibazeeta Ankole – Watutsi.

Mapu ya Uganda erikworeka ekichweka ekirimu ente



Ekicweka ekirikwororagye ente z'enyankore

Ekichweka ekirikukira kwororagye ente z'enyankore ni Nkore. Ishaza rya Nyabushozi niryo ririkukirayo oburungi. Kwonka ente z'enyankore nizororwagye omuri Bukanga, Kashari, Kiboga na Masindi. Hamwe n'emyanya eteine bibungo bihango kandi eine abantu bakye.

Mapu ya Uganda erikworeka ebyanga bya Nkore (Bushenyi, Ibanda, Isingiro, Kiruhura, Mbarara, ebichweka bya Ntungamo n'ebichweka bya Rukungiri)



2. EMICHWE N'EBY'OBUHANGWA

Oburugo bw'ente y'enyankore n'amakuru g'eiziina Nkore“Ankole”)

Eiziina “Ankole” rigwiire. Erihikire ni “Nkore” (Omuhandiiki, *G.N.Kirindi akagira ngu abategyeiki b'amatwaare nibo bahindwire eiziina eri ahakuba bakaba batarikubaasa kugambagye eiziina “Nkore”*). Ente zeitu z'enyankore zikahangwa Ruhanga kandi aha zikaretwaho Abachwezi (aba nibo batandikireho Nkore¹), n'ahabwekyo ente z'enyankore nizikomooka omuri Bihogo bya Mpuga (“Bihogo” niyo nte ya Bachwezi eyabandize).

Ente z'enyankore nishangwa omuri Nkore, n'ahabwekyo nizetererwa ensi yaazo eyizahangirwemu. Enyankore ninungi nk'ensi yaazo Nkore. Itwe Abanyankore niitwe bakama baazo. Eiziina “Nkore” riine amakuru g'emiringo mingi, eky'okureberaho “Nkore ekora omunda”. Eki nikiriga ahakufa kw'omugabe oweitsirwe ari muto obw'Abanyoro barweine n'Abanyankore. Omurutaru orwo, abatsigazi beingi nabo bakarugwamu. Abanyoro kubaherize kurusingura bagira ngu “twabakora omunda”. Kubahambire ensi ya Nkore bagira ngu “aka akaaro karungi” kwiha obwo Nkore yayetwa “Kaaro Karungi”.

Agandi makuru g'ankore nigagira ngu hakabaho ekyanda n'enjara, ente zoonza zaafa. Eizooba rimwe omugabe Bugarobwera yarasha iguru n'obutabwe obwaberie bwetwa ‘efumura iguru”, enjura yagwa ebiro bina, ngu ah'eizooba rya kataano abantu kubeimukire bashanga buri ka erimu ente. Kwiha obwo bazirisiza omunsi nungi “Nkore”.

Abantu ababandize kuriisa ente z'enyankore

Abantu ababandize kuriisa ente z'enyankore niba tatenkuruza itwe. Aba harimu; Abachwezi (abatandikireho Nkore kandi batatenkuruzeitwe), Abahima n'Abanyankore (abantu abarikutuura omunsi ya Nkore).

3. OBUKURU N'EMIGASHO EBIRI OMUKURIISA

Ebirikutungwa omunte z'enyankore n'emigasho yaabyo

Ente zeitu nizo magara geitu kandi nizo matungo geitu ahabw'okuba nizirugwamu ebintu bingi eby'omugasho omumagara geitu. Emigasho egi erimu ey'obuhangwa, ey'entansya, ey'emibazi n'ebindi nkokubyahandiikwaho aheifo:

Emigasho y'obuhangwa

- N'enyamubwa, tizigumisirize kandi nishemeza ameisho
- Nihangara
- Nitwijuga abakazi
- Nitwihaana kandi twihamu emikago
- Nitwitanga twagira enshobe eyitwakora omuntu ninga twateera omuzeire.
- Okukaraba enzigu twakora ihano nk'okwita omuntu.

¹ N'eky'omuhandiiki

- Empu nizikorwamu ebijwaaro, ebyokushitamira n'ebyokubyamira.
- Amahembe nigashemeza ameisho kandi nigarugwamu enkwanzi, enzamba, endingiri n'igoreko.
- Amagaanga nigacuragura ebirere n'ebishaabo.

Eby'okurya

- Nitunywa amate gaazo agagumire kandi turya enyama yaazo enungi eteine bishaju bingi.
- Amashita gaazo marungi, niturungamu eshabwe
- Ira tukaba turya enjuba omushagama yaazo

Emigasho y'entasya

- Ente zeitu nihangara
- Tizirikurwazaguzibwa
- Nizemera enjara n'ekyanda
- Nituzitungamu sente (nitugunza ente, empu - bazikoramu enkeito, enshaho, enkoba, n'engoma, amahembe – bagakoramu amapeesha, enzamba, enkwanzi, enyungu n'eby'emikono ebindi, ebyaara- babikoramu gaamu.
- Nizirugwamu sente nyingi kukiza ente z'enganda.
- Amasha gaazo nitugahembeza kandi abamwe tugakozesa nk'enku
- Okumanywa n'ekitinisa ky'eitu nikrigirira aha masyo n'oburungi bw'ente ez'omuntu eine.
- Enyorora yaazo neyetenga esente nkye ahakuba nizingwa obunyatsi n'ameizi kandi Nkore eine obunyatsi burungi. Nizimera buri muringo gw'ensi yoona kandi nibaasa kurebererwa buri muntu ozitungire (n'obubakuba abooro).

Okushomesa:

- Nitutunda ente twihamu sente z'okushomesa abaana beitu.

Emigasho y'emibazi

- Amagaanga - nitugakoramu kashumba erikutamba orukororo n'omunda
- Amasha – Nitugabungisa, nigatambira abereere omunda, nigatamba obusheru, omukazi kuyabeire afiisa omwana bagakoramu omubazi gw'okuzibira amashereka.
- Amate nigaragurira endwara nyingi
- Amahembe nitugakozesa kurumika kandi n'okuhereeza omutohooro
- Ebyaara abantu nibabirya kugumya amagufa

Emigasho y'okuhinga

- Amasha nigakora ekiriisa kirungi ky'entokye n'obunyantsi

Obuzaare bw'abantu n'ente omubuhangwa bwa Nkore

Emirimo yeitu emingi ekaba ekwatireine n'ente zeitu. Omuntu kuyabeire ahereeza mugyenziwe enimi nungi, emuzarira ente nungi, mugira omukago, mugumizamu n'okuhaana kandi kibaretera okukwatanisa omubintu bingi.. Omuntu kuyabeire arigira omwishiki murungi, amujuga ente nungi. Ente zikaba zigira emirimo mingi eyabeire eretera abantu kukwatanisa; eby'okureeberaho n'ebi; kutwabeire tuhaazya omukasheshe, tuguma omwishaazi nituganiira, obumwe tukaba tweta enkiko tuhaburana ahabintu bitari bimwe, tuturaniza, turiisa hamwe, turasha ente ezirweire, tuteera hamwe amaato. Nyekiro kutwabeire tutarama, tukaba tuzeshongora / twihimba, twirahira, tuzesimirana kandi tuzevuga. Ente zeitu nizo zitutunga, tunywa amate gaazo kandi turya enyama yaazo n'enjuba yaazo.

4. OKWORORA N'OKUZAAZA

Endiisa n'endeberera y'ente z'enyankore

Ente zeitu nituziriisa gye kandi tuzirinda obuteitwa nyameishwa. Omukasheshe nituziseetura tuza kwiriisa. Omwihangwe nituzesherera omubwato buturikuteeza itaka, kwonka ameizi gaaba garuho, ente nizibaasa kunywa eshaaha yoona kurigirira okuzirikwenda. Nituzengyera kandi nitwirasha zaaba zirweire, nitukozesa emibazi y'ekinyankore kwitsirika kwonka nituziteera n'ebikatu by'emibazi y'ekijungu kwigyema n'okwiragurira kandi tuzigaburira n'ey'enjoka.

Buri kasheeshe nituhembera omwishaazi, omubwabazyo nituhembera omukibuga kandi omwihangwe tuhembera ahabwaato. Nituhembeza esingo n'obunyatsi bwomire. Okuhembera nikuyamba ente kutagata, kibinga enshihera n'enyameishwa. Nituzeyera buri eizooba, twiragaza n'enkuyo, tuzagaaga, ahabw'okwikunda munoonga kandi tuzoozya buri sabiiti kubinga engoha.

Encwamutwe nituzireka zoonka omuhondo, enyana nto nituziraaza omubihongore, tuzarira ekyarire kandi enkuru tuziraaza omubigombe.

Ente z'enyankore nizetega kurebererwagye kwonka tizirikwetenga endeberera ey'omutaano.

Ahabw'okukunda ente zeitu munonga, nazo nizitukunda. Ente ezirikukamwa kuturikuzikunda nitubaasa n'okuzikama ziteine nyana ninga tuteine mboha.

Ente z'enyankore tizirikwetenga kwitetsa munonga ahabw'okuba tizirikwetenga by'okurya by'omutaano, tizirikwetenga emibaazi mingi y'ekijungu, tizirikwetenga ameizi meingi kandi emirimo yaazo terikuhenda nkey'enjungu.

Obunaku bw'ente zemeramu

Ente z'enyankore zeema ahagati y'okwezi kw'okubaanza n'okwakashatu, obumwe kuhitsya omukwakataano. Ebiro by'akatarango oruhira niruba nitrutandika kumera, omumirari obunyatsi nibumera, ente ziryza zigomoka, omu

kanda enjura yaaba nehwayo kwonka omushana gutakajwiire munonga, ente zitandika kweema.

Emyaka y'enyana eyemeraho

Enyana z'enyankore zemera ahagati y'emyaka ebiri n'ekicweka n'emyaka ena. Kwonka enyana eyonkiregye n'eyemera ahamwaka gumwe nari ebiri.

Obunaku obw'ente eheza kugarukamu kwema bwanyima y'okuzaara.

Ente kwerikwororwagye nari yaaba eine obunyatsi, n'eyemera ahagati y'esabiiti ibiri na munaana bwanyuma y'okuzaara. Kandi yaaba etoreirwegye, n'eyemera nk'omumeezi ana. Ente ezirikurahuka kweema zaheza kuzaara, nikira kugira amate makye kwonka ezirikuturaho kweema zaheza kuzaara nigira amate meingi nka litta mushanju nari ikimu (7-10ltrs). Ente ezoreirwe gye nikira kukamwa obunaku bureingwa kwonka emirundi emingi kwirikuhitsya omwaka zihweisa.

Omuhendo gw'enyana ente z'enyankore zizaara buri izaara

Ente z'enyankore enyingi nizaara enyana emwe buri izaara, kwonka obumwe nizaara empasha kandi obumwe n'obumwe zizaara enyana ishatu ekiturikweta "ekihangukano".

Amazaara g'ente y'enyankore erikuzaara omumagara gaayo

Ente zeitu, okukira munonga ezigumire nk'embarasi, nizaara amazaara ikumi nari makumi abiri (10-20) omumagara gaazo. Kwonka ezimwe nihitsya amazaara makumi abiri n'ataano (25).

Amazaara agarikugumaho

Abamwe nibagira ngu ahamazaara nka makumi abiri n'ataano (25), nihagumaho amazaara ikumi nari makumi abiri (10-20). Abandi nibagira ngu ahamazaara ikumi n'amukaaga (16), nihagumaho amazaara ikumi (10). Kwonka obumwe n'obumwe amazaara goona nigagumaho. Kwonka katugire ngu haba hariho amazaara ikumi n'abiri (12), amazaara munaana (8) nigo garikubaasa kugumaho ahabw'okuba, enimi nibabaasa kuziguza, ezimwe nizifa kandi ezindi nibabaasa kwihereza abandi bantu.

Ebiro by'ente y'enyankore erikuhangaara

Ente zeitu z'enyankore, zaaba zoreirwegye, zanywa ameizi, zikarya obunyatsi, kandi bataziire, nizibaasa kuhangara emyaka makumi abiri ninga makumi ashatu (20-30)

Ebigyendererwa by'okucooka ente z'enyankore (okutandika n'ekikuru munonga)

- Kutuba nitucooka tuba nituronda obunyamubwa (obuhango, amaguru mareingwa, obwoya- bihogo n'agandi mabara marungi n'amahembe

mareingwa garikwera kandi gategizegye). Enimi yaba eri nungi, nezaara enyana nungi.

- Nitucoka ente z'amate meingi kandi z'emicwe mirungi.
- Obumwe nituba nituronda enimi erikucumita
- Nitucoka kuzaaza ente z'omubiri gumwe nari ibara rimwe ahabw'okuba nirebekage, nishemeza ameisho, kandi niguma hamwe ahabw'okuba niba nikundana kandi nirahuka kumanywa zaaba zibuzire nari zibirwe.
- Ente ezicookiregye niziba ziri nungi kandi niziheisa mukamazo ekitinisa..



“Ruhogo” – Enimi nk’egi ninungi y’okubiikira

Ebirungi eby’omutaano aha nte z’enyankore

- Nihangara.
- Ziine obwoya burungi n’amabara marungi nka mayeenje n’ebihogo, empu zaazo niba nishushagye munonga.
- Nizibaasa kugyenda orugyendo rureingwa.

- Ziine amate marungi garikurugwamu amashita meingi kandi marungi kandi ziine enyama nungi eteine bishaju.
- Ente zeitu nizitumanya kandi nizimanya kutanisa abantu b'omuka n'abahandi, ekyokureberaho enimi ekagurwa yatwara Entebbe omukitingore ekirikubiika ameizi g'enimi, kwonka ekaremesa abashaho ahakuba ekaba ebacumita, kwonka omurundi gumwe mukamayo owagibagurize kuyagireyo, yagyeta, yamuhika yagyagaaga, yagira emicwe mirungi munonga, abashaho batangaara!
- Nizimanya bukuru ahakuba ente kw'orikugyeta eiziina ryayo, ejuga kandi eija.
- Enyankore nigumira ebizibu bingi, tizirikurwaraguzibwa, nizemera ebintu bingi nka; omushana n'ekyanda, endwara z'emiringo mingi, emyanya etakozire, nizirya obunyatsi bukya, zinywa ameizi makye, nahabwekyo okuzoroora kworobi.
- Ziine amahembe mahango kandi mareingwa ag'okwerindisa kandi omushaho w'ente akatugira ngu nigaziyamba obuteitwa mpiita omubwire bw'omushana.
- Ente ezimwe kuzirikuzara, zishereka encwamutwe zaazo omubishaka, ngu enyameishwa zitazirya kandi zo zeshereka zizayo zizontsya.
- Enyankore zigira omuhako mukye n'ahabwekyo tizigumire kukama.
- Enyankore tizirikwita nsi kandi kuzirikuba nizirya nizitoranamu obunyantsi oburungi, tiizirikurya bunyatsi burikwita.
- Nizizaara empasha munonga kukiza enjugu, obumwe n'obumwe nizizaara enyana ishatu (ekihangukano).



Ente z'ebihogo ahari famu ya gavumenti eya Ruhengyere zizagiire omunda y'emiti zakuuka.

Ebirungi n'ebizibu by'ente ezindi

Hati abantu abeingi nituriisa ente z'enjugu ez'amate ezirikwetwa "Holstein Friesians":

Ebirungi byazo	Ebizibu byazo
1.Enjugu ziine amate meingi	1. Amate gaazo geine amaizi mengi
2. Nirahuka kukura	2.Nirahuka kufa
3.Nimpango munonga	3.Tizirikwemera bizibu by'ensi yeitu (ekyanda n'endwara)
4. Nirahuka kureeta entasya nyingi	4. Zigumire okworora ahakuba nizatenga esente nyingi kuzireberera.
5.Nizirya eby'okurya byaburi muringo gwoona ²	5. Nizirya munonga
6.Niziremeera munonga	6.Tizikubaasa kugyenda orungyendo rureingwa
7.Nizigura sente nyingi	7. Nizirwaraguzibwa
8.Nizemera ahamyaka mito	8.Nizatenga ameizi meingi
	9. Enyama yaazo terikunura nk'ey'enyankore

² Eki n'eky'omuhandiiki

Enshonga ahabw'enki nitukozesa enimi kwemesa ente zeitu

Ente zeitu nizemebwa enimi (titurikuzemesesa ameizi g'okuzaara) ahabw'okuba nitwenda kucooka tukatunga ente eziine ebirungi eby'omutaano nkebyagambwaho aheiguru. (*Omuriisa wa butosha tarikubaasa kukozesa ameizi g'enimi g'okuzaara ahakuba ameizi aga nigetenga esente nyingi ahakuba geine ibiika*)³

Ekigeyendererwa ky'okubiikira

Ente zeitu nitwibiikira ahabw'okwenda ngu tutungye ente z'enyamubwa. Ente empango, nungi kandi z'amate meingi. (*Kwonka omumurembe gw'esente, abantu hati nibabiikira kutunga n'ente zirikuremeera kiro nyingi ez'enyama*)⁴

Ahutwiha ente z'okutunga n'enimi z'okubiikira

Ente n'enimi enyingi ezitutunga tuzihungura kuruga ahabazeire beitu, eky'okureberaho aboojo kubabeire bashwera, bakaba batunga ente kuruga ahari beishebo. Abeishiki kare bakaba batahungura nte kuruga ahari beishebo, kwonka ahabw'empindahinduka, hati nabo nibabaraga ebintu n'ente. Abazeire abashaija, n'abaana baboojo, nabo nibatunga ente kubarikuhingira bahara baabo n'abanyanyabo. Obundi ente n'enimi nituzitunga omukuhaana, okuturaniza kandi obundi nituzezariza nari twigura.

Enimi eziturikwenda zoonka nizo zirkwemya

Enimi zoonka eziri omunte tizirikwikirizibwa kwemya. Ezitutarikwenda ngu zeemye, nitwinaaha, twibaaga nari tuziguza zikiri nto. Abamwe omuritwe abarikumanya emibazi y'ebishaka, nitutsirika enimi kwizibira kutemba abahara baazo.

Enimi zeitu z'engundu niguma omunte nk'emyaka ebiri kuhitsya ahari mushanju. Kwonka eki nikirigirira ahabigyendererwa by'okubiikira, ahakuba enimi nebaasa kuguma omunte yaaba n'ekizaara enyana nungi. Nitukira kubikira enimi ibiri, engundu n'endijo ento buri busyo. Enimi yaaba eri omunte yonka n'ebaasa kwemya nk'ente igana.

5. OBWINGI BW'ENTE

Obwingi bw'ente z'enyankore omunte zoonka eziri omuri Nyabushozi

Ente z'enyankore ibaganikire. Buri nte igana eziri omuri Nyabushozi, ahagati y'ente emwe n'ente mukaaga nizo nyankore. (Eki nikimanyisa ngu buri nte igana, ahagati y'ente ikumi n'ente makumi mukaaga -10% - 60% nizo nyankore).

³ Eki n'eky;omuhandiiki

⁴ Eki n'eky;omuhandiiki

Ente z'enyankore ibaganikire omumyaka ikumi ehweire.

Nitukireeba ngu ente zeitu z'enyankore ibaganikire munonga omumyaka ikumi ehweire kandi ziriyo nichwekyerera ahabw'enshonga nyingi nkezagambwaho aheifo:

- Amate makye
- Emyanya mikye
- Okutuzibira kufuruka n'ente zeitu tukaguma nitwirisiza omumwanya gumwe
- Enshohoza eya heiguru ahabindi by'etengo (nitwetenga esente z'okukora ebindi bintu nk'okushomesa n'okwombeka amaju g'omurembe)
- Ahabw'entasya kuruga omumate g'enjungu n'esente enyingi eziturikutunda ente z'enjungu

Ente z'enyankore nitureeba ziriyo nihwaho kwonka kandi nitubaasa kwirinda

Abamwe omuritwe nituteekateeka ngu ente z'enyankore niziza kuchwekyerera kwonka abandi nituteekateeka ngu ente z'enyankore niziza kubaganika n'ahabwekyo nizija kutandika kugura aheiguru.

Nizija kuchwekyerera ahabw'enshonga ezi:

- Ahabw'enshonga ezizireteire kubaganika omumyaka ikumi ehweire ezagambwaho aheiguru nka emyanya mikye kandi n'abantu kweyongyera obwingi.
- Enjungu kweyongyera obwingi kandi n'okuturaniza enjungu n'enyankore tukazaaza za kuroosi.
- Okuteekateeka ngu ente z'enjungu n'ezomuhendo kukira enyankore ahakuba nitutungamu amate meingi tugaguza twihamu sente.
- Nituguza enyankore ngu tuziyiheho zoonza ahakuba tizikigura sente zaheiguru.
- Enkora ya gavumenti eya boona batungye n'eyokutunguura eby'obuhingi n'oburiisa (NAADS) erikwenda kureeba ngu buri ka yagira entasya ya milliyoni makumi 20 buri mwaka. Egi enkora ehagiire munonga okuriisa enjungu n'okuzizaaza n'enyankore kureeba ngu abantu batunga amate g'okuguza kutunga esente nyingi.

Nizija kubaganika kwonka zigumeho ahabw'enshonga ezi;

Ente z'enyankore nizija kugumaho kuturagumizemu nitukora ebintu ebi;

- Kuturagumizemu n'okucooka ente ahabw'obunyamubwa n'amate meingi, kandi tubikire enimi zaazo
- Amataka ga gavumenti kubaragatuhe tukariisizamu ente z'enyankore
- Amataka ga paaka bagahindure ag'okuriisizamu enyankore
- Itwe n'abandi bantu abarikukwatwaho turekyeraho kugamba kubi aha nte z'enyankore kureka tugambe aha burungi bwazo n'omuhendo gwazo.
- Tugyezeho tukore endijo mirimo y'entasya turekyeraho kuteekateekyera aha nte zooka.

- Twengyendesereze twaba nituturaniza enjungu n’enyankore tuboone kutunga za kuroosi nungi ezitwiniire omugasho.
- Twororegye kandi tureberere gye ente zeitu z’enyankore tuziteireho omutima nk’okuturikworora enjungu.
- Tugumizemu n’obuhangwa bw’abahima obw’okukunda ente zeitu z’enyankore nkokukyabeire kiba kare tutakatungire njungu.
- Turonde akatare k’ente z’enyankore n’ebintu byoona ebiturikuzihamu kandi twegyese n’abashubuzi bagure kandi batunde enyankore n’ebirikwirugamu nk’amate n’enyama eby’omuringo gw’aheiguru.
- Twegyese abantu aha bikweitse aha nyankore nk’obunyamubwa bwazo, emigasho n’ebirungi byazo hamwe n’omuhendo gwazo.
- Tutandikyeho ebigombe by’okurinda ente z’enyankore n’obuharabe hatariho myanya mihango y’okwirisiizamu. Omwe ahabantu abarikuhabura abarambuzi akagira ngu nikirungi itwe kwetandikiraho ebigombe by’okurinda ente zeitu tutaketsire ebigombe ebyaheru kutukwatsa.
- Tuziteere ebishushane tuzorekye abantu b’amahanga g’aheeru bareebe oburungi bwazo nk’amahembe mareingwa n’amabara gaazo ag’omutaano.
- Abashaho babiikye ameizi g’enimi z’enyankore enungi tubaase kuzaaza ente nungi.
- Twegyese ebigombe naza kampuni z’abarambuzi ebikweitse aha nte z’enyankore babaase kumanyisa abarambuzi oburungi bwazo.
- Tuteho oburyo abarambuzi bagume beije omumaka geitu bareebe emirimo y’ente z’enyankore, nk’okukama, okwengyera, okucunda n’okwitira.
- Neitwe tukwatanise n’ebigombe by’abarambuzi omukubarambuza
- Abebembezi ba za paka z’enyameishwa, beikirize ente z’enyankore zigume ziriire omu paaka nk’ebihangirwe eby’omutaano.
- Omwana wa L.Mbuuro S.S.S akagira ngu gavumenti ete omushoro muhango ahari abo abarikuriisa ente z’enjungu.
- Gavumenti etuhereze kaani z’amate kibaganise aha sente eziturikuta omukujemura.
- Gavumenti eteho irisiizo ry’okurinda ente z’enyankore (irisizo ririho)⁵
- Habeho okuzibira kuzaara abaana beingi tubaganise obwingi bw’abantu.
- Tugarukye turiise ente zeitu ez’enyankore ahabw’okuba hati titurikwetenga esente nyingi z’okushomesa abaana ahabwa “Boona Bashome” erikutuhwera ahakushomesa abaana.
- Turiise ente nkye eziturikubaasa kwororagye omumwanya gw’okuriisa ente nyingi nka kare.
- Maneja wa irisizo rya govumenti akatugira ngu tuingye obunyatsi bw’okuriisa ente zeitu zirekye kuguma nigyenda engyendo ndeingwa nizitorana obunyatsi oburungi omu bubi.

⁵ Eki n’eky;omuhandiiki

- Itwe abarikuriisa ente z'enjugu n'enyankore, ebigombe ebirikugaba sente bituhwere tubaase kubaganisa enjugu twongyere aha nyankore kandi neitwe abarikuriisa enyankore zoonka bituhwere tubaase kwirinda nitugumizamu n'okuziriisa omumuringo gweitu gw'obuzariranwa.



Abantu ababeire bari omurukiiko orwabeireho ebiro 4/3/09 aha gomborora ya Sanga, Nyabushozi, Kiruhura District



Abantu ababeire bari omurukiiko orwabeireho ebiro 5/3/09 aha gomborora ya Sanga, Nyabushozi, Kiruhura District

Ebitabo n'ebindi bihandiiko ebirikuqamba aha nte z'enyankore

1. Patrick G.N. Kirindi; History and Culture of the Kingdom of Ankole, Fountain Publishers, Kampala, 2008
2. Ndumu Deo Birungi; Identification and Characterisation of "Elite performing Longhorn Ankole Cattle for milk production, 2007
3. Christine Echokit Akello; Access to Genetic Resources and Benefit Sharing in Uganda, 2008
4. UPPC, Entebbe, by Order of government; Animal Breeding ACT, June 2001
5. The State of the World's Animal Genetic resources, Copy of the Uganda Country Report, Feb 2004
6. UBPA, Beef day 2005, Magazine pg. 16
7. M. Wurzinger, D. Ndumu et al, Lifestyle and herding practices of Bahima Pastoralists in Uganda Aug 2008
8. Watusi International Registry, 22484 W239 St. Spring Hill, Kansas, 66038-9306
9. Ministry of Agriculture and Animal Industry and Fisheries; Cattle Breeds and Population, 1996
10. Ilse Koehler-Rollefson et al; Local Breeds, Livelihoods and Livestock Keepers' Rights in South Asia, September, 2008
11. Mark Infield, Conserving Cows, Culture & Wildlife. An Interdisciplinary Case Study of Integrating Ankole Longhorn cattle into National Park Management, L.Mbuuro National Park, Uganda, July 1996 – June 2000
12. Muntungi Emmanuel & Sarah Osiya, Images of Uganda Pastoralists, Photograph Exhibition from different Clusters, Nommo gallery, March 15-20, 2004
13. Mark Infield et al, The Names of Ankole Cows, 2001

EBINDI EBIKWEITSE AHA KIHANDIIKO:

EKY'OKUBAANZA:

AMAZIINA G'ABARIISA ABABEIRE BARI OMURUKIIKO ORW'OKUHANDIIKA AHA NTE Z'ENYANKORE AHA GOMBORORA YA SANGA, NYABUSHOZI KIRUHURA 4/3/2009

No.	Name	Sex	Address/Telephone Number	Sub county & District
1	Florence K. Kafamaisho	F	0782 401463	Kikaatsi
2	Inidi Katabazi	F	Rwamuhuku	Sanga
3	Cucuuri Stephen	M	Kiribwa	Sanga
4	Rwomuhanda Banard	M	Kiribwa	Sanga
5	Ndishya Geoffrey	M	Rwamuhuku	Sanga

6	Rwamagaaju Benon	M	Kiribwa	Sanga
7	Amumpaire Amon	M	Rwamuhuku	Sanga
8	Muteera Wilson	M	0782 545299	Sanga
9	Tubebamwe Edith	F	0772 309505	Sanga
10	Rubagyema Patrick	M	Cultural Values for Conservation Project P.O. Box 880, Mbarara	Sanga, Kiruhura
11	Jane Cucuuri	F	Sanga	Sanga, Kiruhura
12	Twine Milliam	F	0715 686854	Sanga, Kiruhura
13	Andrew Rukundo	M	0755 959510	Sanga, Kiruhura
14	Kashokye George R.	M	0772 423273	Sanga
15	Birungi Margaret	F	0776 037770	Sanga
16	Ninyenda Francis	M	0392 944857	Sanga
17	Kansiime Micheal	M	Nombe 1 Parish	Sanga, Kiruhura
18	Mugyenzi Safari	M	Sanga	Sanga, Kiruhura
19	Tayebwa K. Wilson	M	Kigarama	Sanga
20	Bagwangi David	M	Kigarama	Sanga, Kiruhura
21	Dr. Kiyemba Ronald	M	Veterinary Officer 0782632500	Sanga
22	Kirungi Flavia Rubuubi	F	0772 305491	Sanga
23	Mucunguzi Amos	M	Sanga	Sanga, Kiruhura
24	Mwesigye Nathan	M	Rwamuranda 0772 357852	Kanyanyeru, Kiruhura
25	Kakazi Molly	F	Kasharara	Sanga
26	Manuel Kyeisha Mwesiga	M	Rushere 0774 230060	Rushere, Kenshunga
27	Sekihooobe James	M	Rwamuhuku	Sanga, Kiruhura
28	Bashaija	M	Kiribwa	Sanga
29	Mugume Donald	M	Sanga	Sanga

AMAZIINA G'ABARIISA ABABEIRE BARI OMURUKIIKO ORW'OKUHANDIKA AHA NTE Z'ENYANKORE AHA GOMBORORA YA SANGA, NYABUSHOZI KIRUHURA 5/3/2009

No.	Name	Sex	Address/Telephone Number	Sub county & District
1	Kuteesa Sam Muganga	M	0774 633578	Kanyaryeru
2	Kacuucu Godfrey	M	0712 199980	Sanga
3	Asiimwe Enos		0772 899443	Sanga
4	Kyomugasho Monica	F	0772 363529	Sanga
5	Kyoheirwe Beatrice	F	0782 858888	Sanga
6	Mafara Grace	M	0753 076877	Sanga
7	Tindyebwa Stanley	M	0782 3220507	Kanyaryeru
8	Karakire George	M	Nyarutegura0774 433928	Kiruhura
9	Tibasiimwa Edward	M	0754 879126	Kanyaryeru
10	Sabiiti Kosia	M	075 5079170	Kanyaryeru
11	Bwereere Robert	M	0782 402755	Kanyaryeru
12	Matama Alex	M	0774 684257	Sanga
13	Mapoori G	M	0752 624873	Kanyaryeru
14	Tubebamwe Edith	F		Sanga
15	Birungi Margaret	F		Sanga
16	Kirungi Flavia	F		Sanga
17	Rwakishaija Andrew	M	Chairperson LC3 Nyakashashara s/c	Nyakshashara
18	Wakami Anania	M		Nyakashashara
19	Kashokye George	M	0772 423273	Sanga
20	Kabandize Isaac	M	Chairperson LC3 Kanyaryeru s/c	Kanyaryeru
21	Bagarukayo Fred	M	0752 853217	Kiruhura
22	Mugyenyi Freddie	M	0782 197687	Kanyaryeru
23	Karongo Sam	M	0755 133786	Kanyaryeru
24	Kabandize Patrick	M	0751 937488	Kanyaryeru
25	Mugisha John	M	0775 467290	Sanga
26	Ntungire Stephen	M	0751 983566	Sanga
27	Tumusiime Patrick	M	0782 538821	Sanga
28	Kashamba F.	M	0774 703079	Sanga
29	Mwebaze David	M	0774 538559	Sanga /

				Kiruhura
30	Beinomugisha Fred	M	0753 882296	Sanga
31	Natukunda Loy	F	0782 388977	Sanga / Kyapa
32	Natukunda Jane	F	0774 040323	Kyapa
33	Nayebare Molly	F	0782- 725829	Kyapa
34	Twine Milliam	F	0715 686854	Sanga
35	Kyeishe Emmy	M	0774 230060	Kenshunga
36	Bukaragye Patrick	M		Nyakashashara
37	Karungi Moses	M	0782 529610	Kanyanyeru
38	Kiiza Yofes	M	0782 176003	Kanyanyeru
39	Kansiime Micheal	M		Sanga
40	Rubagyema Patrick	M	Cultural Values & Conservation Project P.O. Box 880, Mbarara	Sanga, Kiruhura
41	Ampurira Emmanuel	M	0772 657752	Sanga

EKYAKABIRI:

**AMAZIINA G'ABAANA BISHOMERO RYA L. MBUURO S.S.S ABABEIRE BARI
OMURUKIIKO ORW'OKUHANDIIKA AHA NTE Z'ENYANKORE AHARI
KANYARYERU 6/3/2009**

No.	Name	Sex	Class
1	Busingye Evas	F	S. 6
2	Ocen Emmanuel	M	S. 6
3	Nankunda Enoch	M	S. 3
4	Kawamala Ivan	M	S. 3
5	Kakimbiri Stephen	M	S. 3
6	Asiimwe Frank	M	S. 2
7	Beinomugisha Aaron	M	S. 3
8	Kansiime Benjamin	M	S. 3
9	Arekaho Allan	M	S. 3
10	Kagina Herbert	M	S. 1
11	Musinguzi David	M	S. 3
12	Kyakunda Phionah	F	S. 2
13	Kikondo Winnie	F	S. 6
14	Tashobya Evas	F	S. 3
15	Nuwabine Hellen	F	S. 2
16	Kyasiimire Sharon	F	S. 4
17	Nyebaza Sharlot	F	S. 2

18	Kyomugisha Edith	F	S. 2
19	Bashemba Georgina	F	S. 5
20	Abaho Francis	M	S. 2
21	Ntama Danielson	M	S. 5
22	Aijuka Rodgers	M	S. 5
23	Musoni Samuel	M	S. 5
24	Acan Gloria	F	S. 3
25	Rwamushaija Moses	M	S. 4
26	Kazeire Hamson	M	S. 6
27	Kusima Abert	M	S. 6
28	Mugira Abel	M	S. 6
29	Kakuru Peter	M	S. 6
30	Amanya Brendah	F	S. 2
31	Kansiime Ronah	F	S. 4
32	Katushabe Phionah	F	S. 6
33	Kamwine Robinah	F	S. 6
34	Nayesiga Naome	F	S. 6
35	Ayebesa Allen	F	S. 6
36	Aryamumpa Joy	F	S. 6
37	Bashishana Jackie	F	S.2
38	Kyasiimire Nellon	F	S. 5
39	Namada Charity	F	S. 2
40	Nduhukire Ruth	F	S. 4
41	Asiimwe Jovia	F	S. 4
42	Kainembabazi Mercy	F	S. 2
43	Okwangabire Annet	F	S. 4
44	Nasasira Inesa	F	S. 4
45	Mukundane Enid	F	S. 4
46	Nankunda Jolly	F	S. 4
47	Natukunda Winnie	F	S. 3
48	Kamwine Sylvia	F	S. 4
49	Taremwa Godfrey	M	S. 4
50	Nayebare Jovulyn	F	S. 2
51	Natamba Josline	F	S. 2
52	Nyamwiza Daphne	F	S. 3
53	Nyirankomezha Pascazia	F	S. 3
54	Mbabazi Phionah	F	S. 3
55	Amutuhaire Ronah	F	S. 1

56	Andihaihi Monick	F	S. 1
57	Karungi Annitah	F	S. 3
58	Nkamushaba Elinah	F	S. 1
59	Nuwahereza Judith	F	S. 3
60	Ampaire Winnie	F	S. 3
61	Barekye Doreen	F	S. 2
62	Ampurira Allen	F	S. 2
63	Nabireba Apophia	F	S. 2
64	Ninsiima Doreen	F	S. 4
65	Kamukama Ruth	F	S. 1
66	Katwiine Esther	F	S. 1
67	Kukunda Glorious	F	S. 1
68	Ampaire Stella	F	S. 1
69	Muzoora Andrew	M	S. 4
70	Najuna Phionah	F	S. 5
71	Beingana Daniel	M	S. 6
72	Ayesiga Patrick	M	S. 6
73	Kabaije Dianah	F	S. 5
74	Kyambondo Abel	M	S. 3
75	Tinyefuza Asaph	M	S. 3
76	Kakye Daniel	M	S. 3
77	Tashobya Dickson	M	S. 3
78	Kanjungu Enock	M	S. 3
79	Asasiira Elizabeth	F	S. 1
80	Mwesigye Doreen	F	S. 3
81	Kabazarwe Winnie	F	S. 3
82	Akankunda Moses	M	S. 6
83	Tandeka Isaac	M	S. 1
84	Kirabo Vailot	F	S. 1
85	Kato Deo	M	S. 6
86	Nuwamanya Emmanuel	M	S. 4
87	Mwesigye Godfrey	M	S. 2
88	Kusasira Jane	F	S. 5
89	Natukunda Allen	F	S. 3
90	Ataho Jackie	F	S. 2
91	Kansiime Enoth	M	S. 1
92	Benon Katsinzi	M	Deputy Headmaster

EKYAKASHATU:**AMAZIINA G'ABANDI BANTU ABAGAMBIRWE NABO AHABIKWATIREINE
N'EKIHANDIIKO EKY'OKURINDA ENTE Z'ENYANKORE**

No.	Name	Sex	Adress/Telephone Number
1	Dr. Evelyn Mathias	F	Muellenberg 5, 51515, Kuerten, Germany
2	Dr. Wanyama Jacob	M	LIFE Network, Africa Region, 254 73 6520043
3	Dr. Arthur Tumwine	M	NAGRC & DB, Entebbe. 075 2405849
4	Dr. Helen Nakimbugwe	F	NAGRC & DB, Entebbe.0772 485388
5	Dr. Daniel Semambo	M	NAGRC & DB, Entebbe.0772 421 469
6	Sam Mugasi	M	Foundation for the Development of Pastoralism (FODEPA), 0772340067
7	Katharina Hartwig	F	Germany Secondary School, Entebbe
8	Janina Gruneit	F	Germany Secondary School, Entebbe
9	Vanice Mirembe	F	Community Conservation Unit, Uganda Wildlife Authority
10	Noel Abaho	M	Conservation Ranger, 0754 848369
11	Prof. Francis Ejobi	M	MUK, Head Dept of Vet. Public Health & Preventive Medicine
12	John Rukundo	M	Ankole Longhorn cattle herder, Sanga, Nyabushozi
13	Hope Kegiraasi	F	Ankole Longhorn cattle herder, Sanga, Nyabushozi
14	Stephen Nkuba	M	Ankole Longhorn cattle keeper, Ngoma, Nakaseke
15	Grace Muyambi	F	Ankole Longhorn cattle keeper, Ngoma, Nakaseke
16	Ruteera Sam	M	Herder, Ngoma, Nakaseke
17	Ronald Musoke	M	Church Hill Safaris- Tour Guide, 0782318681

18	Nathan Kabahigi	M	Nshaara Ranch, Nyabushozi 07712 255144
19	Livingstone Sserwanja	M	Manager, Ruhengyere Conservation Farm, 0392966135
20	Eriya Kyamanyanga	M	Herder, Kikaatsi sub county, Kiruhura district
21	Onesmus Anyongyeireho	M	Herder, Kikaatsi sub county, Kiruhura district

EKYAKANA:

Ebibuuzo eby'abariisa bagyendeireho omu nkiiko ezabeireho ez'okugamba n'okuhandiika aha nte z'enyankore (English /Runyankore)

Names of group members (**Amaziina ganyu**)

Socioeconomic Information

Where did the Ankole cattle come from?

Ente y'enyankore ekarugahi?

Where does the name Ankole come from? (Who gave the name, what does it mean?)

Eiziina "Enyankore" rikarugahi? (Noha owazetsire eizina eri? Nirimanyisaki?)

Who were the first breeders of the Ankole cattle?

Ababandize kuzaaza nari kworora enyankore nibaha?

What are the Ankole cattle used for? And why?

Ente ze nyankore ziine migashoki?

What are the traditional rules that governed the access, sharing and exchange of Ankole breeding animals?

Omubuhangwa bw'Abanyankore bakaba batwaza bata ningashi bakaba bakwatanisa bata ahabikwatireine n'ente ez'okutungwa?

Geographical region

Where are Ankole cattle found?

Ente z'enyankore nishangwahi?

Which area is best for the rearing of the Ankole cattle?

Nikicwekaki ekirikwororagye ente z'enyankore?

How are the Ankole cattle kept and fed? Do they need any special care? (fodder, medicine, etc)

Ente z'enyankore zororwa zita? Nizetenga endebererwa eyomutaano? (Okuzihira obunyatsi, emibazi)

Breed's significance

What products do you get from the Ankole cattle?

Nibintuki ebimurikwiha omunyankore?

What do you do with the products?

Ebimurikwihamu nimubikozesaki

How long does the Ankole cow live?

Ente y'enyankore ehangara emyaka engahi?

Are there specific seasons for breeding?

Hariho ebiro omumwaka ebirikumanywa ngu nibyo ente z'emeraamu?

At what age do cows give birth for the first time?

Enyana eyemera ahamyaka engahi?

What is the period between calvings?

Ente kwezaara emara biroki okugaruka kwema?

How many calves per calving?

Ente burikuzaara, ezaara enyana zingahi?

How many calves does an Ankole cow have per life time? How many of these calves survive? What do you do with them?

Omumagara g'enyankore ezaara amazaarangahi? Omumazaara aga goona hagumaho enyana zingahi?

Selection process & local preferences

How does a typical Ankole cattle look like?

Ente y'enyankore eshishaki? (Shoborora okw'enyankore ishisha)

What do you consider when selecting an Ankole cow and a bull? (List according to importance)

Kwoba n'ocooka, oba oine bigyendererwaki?

What is special about the Ankole cattle & how is it different from the other cattle types you have?

Ente y’enyankore eine bintuki ebyomutaano? N’enki ebirikugitanisa ahazindi nte?

What are the advantages & disadvantages of the other types of cattle you have?
Gamba ebirungi n’ebibi ebyente ezindi ezorikuriisa?

What breeding methodology do you use and why (insemination or use bull)
Ente zaanyu zeema zita?

What are your preferred breeding goals for Ankole cattle?
N’ahabwenki n’obikira?

Where do you source your breeding stock? Where do you get the bulls for mating from?
Ente zoona (n’enimi) ezimutunga muzihahi? Enimi z’okubikira muzihahi?

Are all the bulls always allowed to mate? If not, how do you prevent them from mating?
Enimi zoona ezimwine omunte zaanyu nizikirizibwa kwemya? Mwaba mutarikuzikiriza zoona, mwizibira muta kwemya?

How long is a bull commonly used?
Enimi n’eyemeza emyaka engahi waza kugiiha omunte?

If you have your own bull, how many years do you keep it in the herd? How many bulls do you keep in a herd?
Enimi n’ogibikira emyaka engahi? N’obikira enimi zingahi buri busyo bw’ente?

How many cows can one bull handle?
Enimi yaaba eri omunte yonka, n’ebaasa kwemya ente zingahi?

Population size and trends

Out of every 10 cows in your community, how many are Ankole?
Omuri Nyabushozi, buri nte ikumi, harimu ente z’enyankore zingahi?

Has the community’s Ankole herd size increased or decreased during the last 10 years or the last generation? What are the reasons?
Omumyaka ikumi ehweire, ente z’enyankore z’eyongyeire nari zibaganikire? Nishongaki?

Chances for sustainable use and conservation

What is the future of Ankole cattle?

Ente z'enyankore, nimuzireeba muta omubiro ebirikwija?

What are the threats?

Nibintuki ebimurikureeba nari ebimurikuteekateeka ngu nibiza kuhezaho enyankore?

What will enable it to survive?

N'enki ekyakubaasa kurinda enyankore?